



ARCHIV DAL STADI DAL GRISCHUN

# Urden d'utilisaziun

Cuira 2001

## Urden d'utilisaziun da l'archiv dal stadi dal Grischun

sa basond sin l'art. 17 da l'ordinaziun davart l'archiv dal stadi, relaschè il 1. da matg 2001 dal departament d'educaziun, cultura e protecziun da l'ambient

### Art. 1<sup>1)</sup>

Accessibilità L'archiv dal stadi dal Grischun è accessibel a mintgina ed a mintgin.

### Art. 2

Uras d'avertura La sala da lectura da l'archiv dal stadi è averta sco suonda:

glindesdi, mardi, gievgia	09.00 – 11.45 / 13.00 – 16.45
mesemna	09.00 – 11.45 / 13.00 – 18.30
venderdi	09.00 – 16.45

Il dis che l'administraziun chantunala na lavura betg resta er l'archiv dal stadi serrà.

### Art. 3

Carta d'utilisaziun

Las utilisadras ed ils utilisaders ston sa legitimar davart lur persunalias e davart la finamira da lur lavur ed emplenir ina carta d'utilisaziun. Sin questa carta vegnan fixads l'adressa, la professiun ed il champ da lavur sco er las datas da visita e las archivalias consultadas.

### Art. 4

Exemplar d'autura u d'autur

L'archiv dal stadi ha il dretg da survegnir in exemplar d'autura u d'autur gratuit da publicaziuns ch'èn vegnidas scrittas cun consultar sias archivalias.

### Art. 5

Access

Las archivalias ch'èn accessiblas en il rom da l'ordinaziun davart l'archiv dal stadi pon vegnir consultadas en la sala da lectura. Il public n'ha nagin access a las localitads da servetsch ed als magasins.

Mappas e chaussas sumegliantas na dastgan betg vegnir prenidadas en la sala da lectura.

### Art. 6<sup>1)</sup>

Scumond d'emprest

Archivalias e cudeschs da la biblioteca da consultaziun na vegnan betg emprestads.

### Art. 7<sup>1)</sup>

Obligaziun da cumportament

Las utilisadras ed ils utilisaders ston tractar las archivalias, ils cudeschs ed ils indrizs da l'archiv dal stadi cun fitg grond quità. Ellas u els èn

---

<sup>1)</sup> versiun tenor la disposiziun dal departament dals 13 d'october 2005

responsabels per donns che vegnan chaschunads d'in cumportament culpaivel.

En las localitads da l'archiv dal stadi ston vegnir observads la quietezza e l'urden. Scumandà èsi da fimar, da mangiar, da baiver e da duvrar ils telefons mobils.

Persunas che cuntrafan a questas disposiziuns pon vegnir exclusas – suenter ch'ellas èn vegnidas admonidas senza success – per almain in onn da l'utilisaziun da l'archiv dal stadi.

**Art. 8**<sup>1)</sup>

Resguardond il temp che archivalias èn bloccadas per l'access public èsi pussaivel da far fotocopias, fotografias analogas e digitalas, microfilms sco er scans da documents. L'administraziun da l'archiv po scumandar da reproducir archivalias periclitadas. Igl è permess da fotografar archivalias mo cun il consentiment dal persunal ed a lieus che vegnan designads da tal.

Reproducziuns

I n'exista nagin dretg da pudair far reproducziuns fotomecanicas u digitalas da quantitads pli grondas d'archivalias. Archivalias dastgan per regla vegnir fotocopiadas mo dal persunal da l'archiv.

**Art. 9**<sup>1)</sup>

Il diever da l'archiv dal stadi è gratuit. Per far servetschs spezials sco transcripziuns, retschertgas che dovràn bler temp u chaussas sumegliantas valan las tariffas da scuntrada fixadas da la regenza.

Taxas

Las taxas per far fotocopias, fotografias e reproducziuns da vopnas da famiglias grischunas sco er per duvrar ils apparats per leger microfilms vegnan fixadas da la direcziun da l'archiv.

**Art. 10**<sup>1)</sup>

Infurmaziuns davart l'archiv dal stadi dal Grischun vegnan publitgadas en l'internet sut «[www.staatsarchiv.gr.ch](http://www.staatsarchiv.gr.ch)».

Homepage

**Art. 11**<sup>1)</sup>

L'utilisaziun da l'archiv dal stadi sa drizza dal rest tenor l'ordinaziun davart l'archiv dal stadi dals 5 da settember 1988.

Basa legala

**Art. 12**

Quest urden d'utilisaziun entra en vigur il 1. da matg 2001 e remplazza tut las anteriuras disposiziuns che al cuntradin.

Entrada en vigur

---

<sup>1)</sup> versiun tenor la disposiziun dal departament dals 13 d'october 2005